

來告歟曜無以對 上曰遷都世家大族所共惡欲籍以止之也宰相久居松京安土重遷遷都豈其意耶左右皆無以對南閭曰臣等濫與功臣蒙 恩 上位雖遷新邑有何不足松京田宅豈足惜耶今此行已近難龍願 上往觀營都之地臣等留擊草賊 上曰遷都卿等亦不欲也自古易姓受 命之主必遷都邑今我急觀雞龍者欲於吾身親定新都也孺子雖欲繼志遷都大臣沮以不可則孺子何能哉乃 命還駕閭等令李敏道卜之曰病必瘳草賊亦不足慮相會議請往 上曰然則必罪曜而後行閭曰何必罪之 上遂行至青布院之郊留宿○丁丑令揚廣道按廉使趙璞慮囚○戊寅奏聞使韓尚質一行通事郭海龍賁禮部咨文副本來 上大悅賜海龍馬○庚辰 至清州牧使陳汝宜判官閔道生等備讎禮迎于北郊父老進歌謠拜于 駕前○辛巳南方赤浸○癸未 至雞龍山下○甲申日有暈冠至晚乃息 上率羣臣相新都山水形勢 命三司右僕射成石璘商議門下府事金湊政堂文學李